



بیرشهیدا ولموش سربا زین آتا - آناسی نین
دیلیجه * قوچ قوزو قوربان *

به به عجب سلسله دی ، مکتب قرآن سنی
قابل فیض ائیله دی ، قدرت ایمان سنی
مام وطن سلسله دی، گل گۆزه ل اوغلان سنی

دین مبین ایسته دی، قوچ قوزو قوربان سنی

الده مسلسل، توفنگ، بئله ده کمر بنددی تنگ
دؤمده حمایل فشنک، باشدا نوار سه رنگ
شاخص گردان وهنگ، عازم میدان جنگ

اکبره بنزه رقصنگ، ائیله دی دؤوران سنی

یازدو، چیچکلر نه خوش، تازه دی لر، تردی لر
چیخدی گونش، لاله لر گوللرینی سردی لیر
آما بیزیم لاله نی غنچه ایکن دردی لیر

سینسین الی گولچینین، ائتدی پریشان سنی

گئتدی بالام، گلمه دی، داخی نئجه یوخلارام
خسته، هجرانی یام، هرکئجه صایخیلارام
هر گلنه نی گۆزله رم، هر گئده نی یوخلارام

بلکه تا پام، قوخلایام، بیرده بالاحان سنی

اؤلسه م آجیمدان اگر، من قانیوی ساتمارام
قانیوه قان ائتمه سم، راحت اولوب یاتمارام
قتلیوه باعث لری، اؤزگه لره قاتمارام

بللی دی کیملر ائدیب قانیوه غلطان سنی

بیلیمیرم الله نئجه، چیخدی بالامین جانی
جانی چیخاندا نئجه، گوردو، یالان دونیانی
قانلی گۆزایله نئجه گۆزله دی هر بیر یانی

سؤیله نه مدت کئچیپ، تا آیا ریبقان سنی

جام شهادت ایچیپ، وئردی بالام جانینی
حق دی کی بیز، دوولایاق * ایندی اونون قانینی
ائتدی "کمالی" قلم تک - تک مژگانینی

خوهر ائدیپ، گۆز قانین، اوخشادی نالان سنی

* دوولاماق = قان ادعاسی ائتمک .